

OYSTER PERPETUAL LADY-DATEJUST PEARLMASTER



ROLEX



MICHELSSEN

ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is

MARKAÐURINN

Miðvikudagur 15. ágúst 2012 | 13. tölublað | 8. árgangur

Sími: 512 5000 | [visir](http://www.visir.is) www.visir.is

Hraði!
Skilvirkni!
Sveigjanleiki!

GUÐJÓNÓ
VISTVÆN PRENTSMÍÐJA
Sími 511 1234 • www.gudjono.is



VILJA BREYTA OPINBERA LÍFEYRISSJÓÐAKERFINU

→ Viðræður standa yfir um að lengja eftirlaunaaldur og breyta réttindaávinnslu

→ Ríkissjóður hefur frestað því að takast á við uppsafnaðan vanda frá hruni

→ Halli á A-deild LSR nam 57,4 milljörðum króna um síðustu áramót

Títan fjárfestingafélag tapaði 135 milljónum á síðasta ári

Títan fjárfestingafélag, sem er í 100 prósentu eigu Skúla Mogensen, tapaði 135 milljónum króna á síðasta ári. Eigið fé félagsins um síðustu áramót var neikvætt um 102 milljónir króna. Það tapaði 44,5 milljónum króna árið áður. Eignir félagsins eru metnar á rúmlega 1,3 milljarða króna.

Títan á meðal annars 17,3 prósentu hlut í MP banka, 90 prósentu hlut í flugfélaginu Wow Air, 5,17 prósentu hlut í Advania og 17,7 prósentu hlut í Carbon Recycling International.

Skuldir félagsins nema 1,4 milljörðum króna og eru allar við Skúla sjálfan eða félög í hans eigu.

Skúli og eiginkona hans, Margrét Ásgeirsdóttir, voru efst á lista Viðskiptablaðsins yfir 170 helstu auðmenn landsins reiknað út frá auðlegðarskatti. Hjónin greiddu nálægt 150 milljónum króna í auðlegðar- og viðbótarauðlegðarskatt vegna ársins 2011. Hrein eign þeirra hjóna nemur því um 7,5 milljörðum króna samkvæmt álagningarskrám ríkisskattstjóra.

Skúli hagnaðist á því að selja fyrirtækið Oz til finnska farsímarisans Nokia haustið 2008. - þsj

Steinar Guðgeirsson stofnar nýja lögfræðistofu, Íslög

Steinar Þór Guðgeirsson, hæstaréttarlögmaður, hefur stofnað lögfræðistofuna Íslög. Steinar var stjórnarmaður í og síðar formaður skilaneftndar Kaupþings þar til um síðustu áramót þegar nefndin var lögð niður. Steinar starfaði áður á Lögfræðistofu Reykjavíkur en þar varð hann meðeigandi árið 2001.

Félagið utan um stofuna, Íslög ehf., var stofnað í mars síðastliðnum af félögnum Mýrebella ehf. og Logia ehf. Mýrebella er í eigu Steinars og eiginkonu hans Ástríðar Gísladóttur sem er jafnframt hæstaréttarlögmaður og fyrrum starfsmaður Lögfræðistofu Reykjavíkur. Logia er hins vegar í eigu Guðrúnar Bjargar Birgisdóttur hæstaréttarlögmanns. Guðrún, sem er fyrrum aðallögfræðingur Marels, hefur starfað sjálfstætt undir nafni Logia frá árinu 2009.

Framkvæmdastjóri og prókúruhafi nýju stofunnar er Birna Gísladóttir sem hefur starfað sem framkvæmdastjóri Lögfræðistofu Reykjavíkur. - mþl

MARGVERÐLAUNUÐ BARNAGLERAUGU FRÁ LINDBERG

– 3 ára ábyrgð –


Optical Studio
SMÁRALIND • LEIFSSTÖÐ • KEFLAVÍK




Fróðleiksmolinn DataMarket

Samsetning bensínverðs og verðþróun

Frá ágúst 2007 hefur algengt verð á 95 okta benzín hækkað úr 121 krónu á lítrann í tæpar 247 krónur. Samsvarar það 133% hækkun á tímabilinu. Hlutur ríkisins og annara í lítraverðinu hefur verið breytilegur og samkvæmt útreikningum frá DataMarket fyrir ágúst er hlutur ríkisins nú 119 krónur eða 48% af heildarverðinu. Hlutur annara er 128 krónur eða 52%. Bláa línan á myndinni sýnir algengt verð á bensínlítra en brúna og gula línan hlut ríkis og annarra aðila í heildarverði.



Hlutfall skatta og annarra liða í bensínlítra.



Dagatal viðskiptalífsins keldan dagatal viðskiptalífsins

- Miðvikudagur 15. ágúst**
→ Tryggingafélög-hagtölur Sí
- Fimmtudagur 16. ágúst**
→ Vísitala íbúðaverðs á höfuðborgarsvæðinu
→ Fiskafli í júlí 2012
- Föstudagur 17. ágúst**
→ Upplýsingar um leiguverð íbúðarhúsnæðis
→ Samræmd vísitala neysluverðs
- Þriðjudagur 21. ágúst**
→ Vísitala byggingakostnaðar
→ Verðmæti sjávaraflla janúar-maí 2012
→ Útboð verðbréfa

- Miðvikudagur 22. ágúst**
→ Vaxtaákvörðunardagur Sí
→ Útboð ríkisvixla
- Fimmtudagur 23. ágúst**
→ Viðskipti með atvinnuhúsnæði
→ Mánaðarleg launavísitala í júlí 2012
→ Greiðslujöfnunarvísitala í sept. 2012
- Föstudagur 24. ágúst**
→ Gjaldþagi RIKB 12 0824
Bankakerfi-hagtölur Sí

Allar markaðsupplýsingar eru aðgengilegar á vísir

Eik eykur hlutafé um tvo milljarða króna

Hópur fjárfesta keypti nýtt hlutafé í fasteignafélaginu Eik í júní. Afsláttur var gefinn í útboðinu sem var mjög hagstætt. Samið verður um endurfjármögnun og stefnan sett á skráningu á markað.

FASTEIGNIR

Póður Snær Júlíusson | thordur@frettabladid.is

Eik fasteignafélag seldi nýtt hlutafé fyrir tæplega tvo milljarða króna í lokuðu útboði í júní síðastliðnum. Kaupendur voru fagfjárfestar, að mestu lífeyrissjóðir, og einstaklingar. Lýsing hf., sem var stærsti einstaki eigandi Eikar um síðustu áramót, tók ekki þátt í því.

Féð sem fékkst fyrir hina nýju hluti var notað til að greiða niður skuldir félagsins. Eik vinnur auk þess að því að klára endurfjármögnun á skuldum sínum ásamt fyrirtækjaráðgjöf Íslandsbanka og segir Garðar Hannes Friðjónsson, forstjóri Eikar, að hún muni minnka vaxtakostnað félagsins umtalsvert. Til stendur að endurfjármögnun ljúki í september.

Eik kláraði fjárahagslega endurskipulagningu sína í fyrrasumar. Þá gerði félagið samkomulag við óveðtryggða lánveitendur, sem átt höfðu skuldabréf í flokki sem það gaf út, um að þeir breyttu skuldum í eigið fé upp á 3,1 milljarð króna. Þetta var gert með útgáfu á nýju hlutafé. Auk þess var samið við aðra lánveitendur Eikar um að lengja í greiðsluferli langtímalána.

Að sögn Garðars fengu þeir sem áttu skuldabréf á Eik hátt í hundruð prósent endurheimtir með þessari aðgerð. „Við gerum síðan ráð fyrir að þær endurheimtir verði rúmlega það þegar kemur að því að Eik fari á markað.“ Garðar segir skráningu vera framtíðarmúsik, en þó sé ekki of langt þangað til hún gæti orðið að veruleika.

Ráðist var í lokað hlutafjárútbóð í júní síðastliðnum og voru 583 milljón hlutir seldir á genginu 3,15 krónur á hlut. Alls var söluandvirði hlutafjárins því rúmlega 1,8 milljarðar króna. Auk þess er heimild í samþykktum Eikar til að hækka hlutafé um 55,6 milljónir króna til viðbótar á sama gengi.

Garðar segir að Eik hafi verið heimilt að selja enn meira, en ákveðið hafi verið að gera það ekki. „Við erum mjög sáttir með niðurstöðuna. Við erum síðan að fara að ráðast í endurfjármögnun á næstunni þar sem vaxtaþröskulur



ENDURSAMIÐ Stærsti einstaki leigutaki Eikar er Húsasmiðjan. Endursamið var um leigu fyrirtækisins þegar það var endurskipulagt. Forstjóri Eikar segir það auðvitað hafa haft áhrif á greiðslufæði félagsins. FRÉTTABLAÐIÐ/ANTON BRINK

ENDURSAMIÐ UM LEIGU HÚSASMIÐJUNNAR

EIK FASTEIGNAFÉLAG var stofnað árið 2002 þegar eignir Húsasmiðjunnar voru færðar út úr rekstrarfélagi þess fyrirtækis og yfir í sérstakt fasteignafélag. Húsasmiðjan hefur alla tíð síðan verið stærsti viðskiptavinur Eikar. Eftir bankahrun var leigukostnaður að sliga Húsasmiðjuna, enda var hlutfall hans af veltu orðið um átta prósent af veltu fyrirtækisins. Sigurður Arnar Sigurðsson, forstjóri Húsasmiðjunnar, sagði í viðtali við Markaðinn í apríl síðastliðnum að Húsasmiðjan hefði ráðist í að endursemla við alla sína leigusala til að gera fyrirtækið aftur rekstrarhæft. Það hefði náðst. Garðar segir að búið hafi verið að taka tillit til þessa þegar kom að endurskipulagningu Eikar í fyrra. „Þetta hafði auðvitað áhrif á tekjuflæðið okkar. Það er engin spurning.“

lána mun lækka verulega. Staða Eikar verður því orðin mjög sterk eftir þessar aðgerðir.“

Arion banki breytti rúmlega 240 milljóna króna kröfu á hendur Eik í nýtt hlutafé í maí síðastliðnum. Þá var gengi viðskiptanna fjórar krónur á hlut. Rúmum mánuði síðar var nýtt hlutafé hins vegar selt á 3,15 krónur. Að sögn Garðars var ákveðið að gefa væntanlegum fjárfestum afslátt í því útboði. Gengið hafi verið lægra en það sem stjórnendur Eikar telja virði félagsins vera.

Eik skilaði ársreikningi fyrir árið 2011 í júní síðastliðnum. Þar kemur fram að félagið hafi hagnast um tíu milljónir króna í fyrra og að eigið fé þess hafi verið um fjórir milljarðar króna um síðustu áramót. Eignir félagsins voru metnar á 19,9 milljarða króna í lok síðasta árs og skuld-

ir þess voru um sextán milljarðar króna. Endurskoðandi Eikar bendir á í reikningnum að gangvirði fjárfestingaeigna félagsins sé byggt á mati stjórnenda á þróun ýmissa þátta í framtíðinni. Raunverulegt gangverð kunnir að vera frábrugðin því mati. Orðrätt segir síðan að „við núverandi aðstæður í íslensku efnahagslífi er meiri óvissa en ella um raunverulegt verðmæti eigna“.

Garðar segir verðmat eigna miða við sjóðstreymisvæntingar, enda séu alltof fá viðskipti á markaði til að miða við þau til að finna út markaðsverð. Hann telur Eik meta eignir með svipuðum hætti og önnur fasteignafélög. „Það væri mun auðveldara að finna út markaðsverð ef við hefðum sýnilegan markað. Hann er hins vegar ekki mjög sýnilegur hérna.“

Creditinfo býður nú svokallað áhættumat á vanskilaáhættu einstaklinga:

Skilvísir geti notið þess í kjörum

Creditinfo á Íslandi hefur ýtt úr vör nýrri þjónustu þar sem áhætta einstaklinga á því að enda á vanskilaskrá er metin. Vonast fyrirtækið til þess að skilvísir einstaklingar geti nýtt sér áhættumat frá fyrirtækinu til að fá betri kjör í viðskiptum.



SAMÚEL ÁSGEIR WHITE

„Þetta er stór nýjung í íslensku viðskiptalífi,“ segir Samúel Ásgeir White, forstöðumaður fyrirtækjasviðs Creditinfo, og bætir við að það sé vel þekkt í nágrannalöndum Íslands að einstaklingar láti gera slíkt áhættumat sem oft sé krafist þegar einstaklingar sækja um reikningsviðskipti, lán eða annað þess háttar.

„Þetta býður einnig upp á það að Íslendingar sem eru með sín fjármál á hreinu, og fá þar með gott áhættumat, geta nýtt sér matið til að fá betri kjör í viðskiptum. Það er með öðrum orðum hægt að umbuna þeim sem eru skilvísir og með sitt á hreinu, til dæmis við lántöku,“ segir Samúel og heldur áfram: „Við erum búin að vera að þróa áhættumatið í nokkur ár en það verður aðgengilegt fyrir einstaklinga á næstu vikum í gegnum vefsíðu okkar. Það eru hins vegar nokkur fyrirtæki þegar byrjuð að innleiða þjónustuna með það fyrir augum að hafa áhættumatið til hlíðsjónar við ákvarðanir um lánveitingar.“

Áhættumat Creditinfo flokkar einstaklinga, sem ekki eru nú þegar í alvarlegum vanskilum, í áhættuhópa sem byggja á lík-

unum sem Creditinfo telur á því að viðkomandi lendi í alvarlegum vanskilum á næstu tólf mánuðum. Reiknilíkan fyrirtækisins byggir á fjölmörgum misveigamiklum þáttum en í hópi þeirra eru aldur, búseta, upplýsingar um skatta- og útsvarsskrá, upplýsingar um söguleg vanskil og tengsl við fyrirtæki.

Samúel segir að líkanið byggir á mjög ýtarlegum gagnagrunni Creditinfo en fyrirtækið hefur um árabíl áhættumatið fyrirtæki á sama hátt og nú stendur til að gera með einstaklinga. Þá segir hann að spástyrkur reiknilíkansins sé mjög mikill en það byggir á samráði við erlenda sérfræðinga.

Creditinfo hefur gilt starfsleyfi frá Persónuvernd sem er skilyrði fyrir skráningu og miðlun upplýsinga um fjárhagsmálefni og lánstraust. - mbl

INTEL CORE i5

TOSHIBA Toshiba Satellite L850-1CX
Mjög öflug vél með Intel Core i5 3210M örgjörvanum og bættri skjástýringu með Intel HD4000 og DirectX11. 4GB 1600MHz DDR3 minni sem er stækkanlegt í 16GB, 640GB hardur diskur, 2x USB3 tengi og HDMI.

15,6"

129.990

TÖLVU LISTINN

REYKJAVÍK AKUREYRI EGILSSTAÐIR KEFLAVÍK SELFÖSS HAFNARFJÖRÐUR

Við bjóðum fyrirtækjum sérþekkingu



Okkar vinna snýst um að þín vinna gangi vel. Við leggjum okkur fram um að setja okkur vel inn í það sem þú ert að gera, og þó að við þekkjum kannski ekki viðfangsefnið í þínu starfi jafn vel og þú, þá vitum við hvað starfið gengur út á.

Hjá Íslandsbanka starfar hópur fólks sem býr að áratuga reynslu af ráðgjöf við stór og smá fyrirtæki í ferðaþjónustu og hefur viðtæka sérþekkingu á fjárhagsumhverfi þeirra. Þannig getum við ávallt tryggt þeim þá bankaþjónustu sem þau þarfnast.

Þekking sprettur af áhuga.

Kristín Hrönn Guðmundsdóttir hefur veitt ferðaþjónustuaðilum og öðrum fyrirtækjum fjármálaþjónustu í meira en 10 ár. Kristín Hrönn er viðskiptastjóri hjá Íslandsbanka.

Við bjóðum
góða þjónustu

islandsbanki.is | Sími 440 4000


Íslandsbanki



REYKJAVÍK Íbúðalánasjóður hefur veitt talsvert færri íbúðalán það sem af er þessu ári en á sama tímabili í fyrra. FRÉTTABLAÐIÐ/STEFÁN

Alls 716 íbúðalán verið veitt frá áramótum:

Útlán Íbúðalánasjóðs nokkuð minni í júlí

Heildarútlán Íbúðalánasjóðs í júlí námu rúmum 1,1 milljarði króna. Þar af var einn milljarður vegna almennra lána en meðalupphæð þeirra var um 10,9 milljónir króna.

Til samanburðar námu heildarútlán í júní 1,9 milljörðum króna. Þá voru almenn útlán í júlí í fyrra um 2,2 milljarðar króna en hlutdeild útlána Íbúðalánasjóðs í heildarveltu á fasteignamarkaði hefur farið minnkandi eftir tilkomu óverðtryggðra lána sem viðskiptabankarnir bjóða. Íbúðalánasjóður hyggst hefja að bjóða slík

lán í haust.

Á fyrstu sjö mánuðum ársins veitti Íbúðalánasjóður alls 716 almenn íbúðalán. Á sama tímabili í fyrra voru veitt 1.339 lán.

Ávöxtunarkrafa lengri flokka íbúðabréfa, HFF24, HFF34 og HFF44, lækkaði í júlí um 3 til 18 punkta. Ávöxtunarkrafa stysta flokks íbúðabréfa, HFF14, hækkaði hins vegar um 26 punkta í mánuðinum.

Heildarvelta með íbúðabréf nam í júlí 20,7 milljörðum króna samanborið við 51,2 milljarða í júní. - mþl

Rúmlega hálf milljarðs arður á þremur árum:

Mörkin hagnaðist um 181 milljón í fyrra

Mörkin lögmansstofa hagnaðist um 181,3 milljónir króna á árinu 2011. Stofan, sem er í eigu sjö lögmannna, hefur hagnast samtals um 553 milljónir króna á síðustu þremur árum. Þetta kemur fram í ársreikningi fyrir árið 2011 sem Mörkin skilaði til ársreikningaskráar 25. júní síðastliðinn. Þar segir líka að stjórn félagsins leggi til að allur hagnaðurinn verði greiddur út til hluthafa.

Mörkin skilaði 179 milljóna króna hagnaði á árinu 2010 og 193 milljónum króna árið 2009. Nánast allur hagnaður stofunnar er greiddur út sem arður árlega.

Sjö lögmenn eiga sinn 14,3 pró-



MÖRKIN Hæstaréttar-lögmaðurinn Gestur Jónsson er einn eigenda lögmansstofunnar.

senta hlutinn hver í Mörkinni. Þeir eru Gestur Jónsson, Ragnar H. Hall, Einar Þór Sverrisson, Gunnar Jónsson, Gísli Guðni Hall, Geir Gestsson og Hörður Felix Harðarson. Miðað við arðgreiðslur sem greiddar hafa verið út á síðustu þremur árum hefur hver þeirra fengið um 79 milljónir króna í sinn hlut. - þsj

Nýr meðeigandi að mannauðs- og ráðgjafarfirmakerfi:

Sigrún Þorleifsdóttir til liðs við Attentus

Sigrún Þorleifsdóttir hefur gengið til liðs við Attentus – mannauðs og ráðgjöf sem meðeigandi. Hjá Attentus mun hún veita ráðgjöf á sviði stjórnunar og samskipta auk þess sem Sigrún mun sinna leiðtogaþjálfun. Hún hefur meðal annars starfað sem stjórnandi hjá Eimskip, SH/Icelandic og víðar í nær 20 ár. Hún kennir auk þess leiðtogaþjálfun í MBA-námi Háskóla Íslands og hefur sérhæft sig í samskiptum innan fyrirtækja. Í tilkynningu frá Attentus kemur fram að með tilkomu Sigrúnar mun fyrirtækið geta boðið stjórnendum upp á víðtækari lausnir en áður, meðal annars á sviði



SIGRÚN ÞORLEIFSDÓTTIR Mun veita ráðgjöf á sviði stjórnunar og samskipta auk þess að sinna leiðtogaþjálfun.

innri samskipta í fyrirtækjum og leiðtogaþróunar.

Attentus hlaut fyrr á þessu ári hvatningarverðlaun Félags kvenna í atvinnurekstri (FKA) fyrir brautryðjendastarf á sviði mannauðsmála og þróun á viðskiptalausninni „Mannauðsstjóri til leigu“. - þsj



FJÁRMÁLARÁÐHERRA Ráðuneyti Oddnýjar Harðardóttur leiðir vinnu við breytingar á opinbera lífeyrissjóðakerfinu. Stefnt er að því að færa kerfið í átt að almenna lífeyrissjóðakerfinu. FRÉTTABLAÐIÐ/GVA

Eitt kerfi fyrir alla

Viðræður standa yfir á milli stjórnvalda og stéttarféлага opinberra starfsmanna um breytingar á opinbera lífeyrissjóðakerfinu.

LÍFEYRISJÓÐIR

Þóður Snær Júlíusson | thordur@frettabladid.is

Viðræður standa yfir á milli stjórnvalda og helstu stéttarféлага opinberra starfsmanna um stórtækar breytingar á lífeyrissjóðskerfi þeirra. Samkvæmt heimildum Markaðarins er meðal annars rætt um að hækka eftirlaunaldur opinberra starfsmanna úr 65 árum í 67 ár og að breyta réttindaávinnslu þeirra þannig að hún verði línuleg, líkt og er í almenna lífeyrissjóðakerfinu. Fyrir þessar breytingar myndi ríkissjóður þurfa að greiða mjög háa upphæð í bætur inn í opinbera kerfið, enda ljóst að lífeyriskjör opinberra starfsmanna myndu skerðast til lengri tíma frá því sem nú er. Í staðinn myndi fást mun ódýrara kerfi fyrir ríkissjóð til frambúðar.

Heimildir Markaðarins herma að viðræður milli stjórnvalda annars vegar og stéttarféлага opinberra starfsmanna hins vegar hafi staðið yfir um nokkurt skeið. Þær eru á viðkvæmu samningsstigi sem stendur en ef næst saman mun frumvarp um breytingar á opinbera lífeyriskerfinu verða lagt fram eftir um tvo mánuði. Gangi þessar hugmyndir eftir mun verða eitt lífeyrissjóðakerfi í landinu í stað tveggja líkt og nú er.

Lífeyrissjóður starfsmanna ríkisins (LSR) er rekinn í tveimur deildum, A-deild sem allir ríkis-

HREINAR SKULDBINDINGAR 373 MILLJARÐAR

Í RÍKISREIKNINGI fyrir árið 2011 eru hreinar lífeyrisskuldbindingar A-hluta ríkissjóðs vegna lífeyris talðar vera 373 milljarðar króna og hækkuðu um 27,9 milljarða króna í fyrra. Heildarstaða A-deildar LSR, þegar reiknað er með því að allir núverandi sjóðsfélagar greiði áfram iðgjöld í sjóðinn þar til þeir fara á eftirlaun er neikvæð um 57,4 milljarða króna. Sú staða hefur versnað um tíu milljarða króna á milli ára. Skuldbinding ríkisins vegna lífeyris er þannig tilkomin að ríkið ábyrgist að starfsmenn sem eiga aðild að B-deild LSR og aðrir sem svipað háttar til um, fái eftirlaunagreiðslur óháð innborguðum iðgjöldum og ávöxtum þeirra. Starfsmenn unnu sér þannig inn ákveðin réttindi fyrir hvert ár í starfi. A-deild LSR er síðan hugsuð þannig að hún eigi að vera sjálfbær. Ákvæði eru hins vegar í lögum sem segja að komi í ljós við tryggingafræðilega athugun að iðgjald sjóðsfélaga ásamt móttframlagi launagreiðanda dugi ekki til greiðslu á skuldbindingum skuli stjórn LSR hækka framlag launagreiðanda í samræmi við þá athugun. Sá launagreiðandi er ríkið og því er í reynd ríkistrygging á lífeyrissjóðsgreiðslum opinberra starfsmanna. Réttindin eru auk þess verðtryggð.

starfsmenn eftir árið 1997 hafa greitt í og B-deild, sem er gamli sjóður opinberra starfsmanna. LSR er með ríkisábyrgð, sem þýðir að ef halli er á tryggingafræðilegri stöðu sjóðsins þarf ríkið að hækka það iðgjald sem það greiðir í sjóðinn. Iðgjaldshækkunirnar eru því greiddar með skattfé. Með öðrum orðum skiptir engu máli þótt sjóðurinn tapi peningum, líkt og hann og allir aðrir lífeyrissjóðir gerðu í bankahruninu, ríkið er skuldbundið til að bæta greiðendum í sjóðinn það tap. Þeir lífeyrissjóðir sem tilheyra almenna kerfinu hafa hins vegar þurft að skerða lífeyrissjóðsgreiðslur til sinna skjólstæðinga vegna þess taps sem þeir urðu fyrir.

Hallinn á A-deild LSR, sem nam 57,4 milljörðum króna um síðustu áramót, jókst um rúmlega tíu milljarða króna á síðasta ári. Stjórnvöld hafa ekki viljað hækka iðgjald sitt í sjóðinn frá bankahruni. Það myndi enda þýða margra milljarða króna greiðslu úr ríkissjóði til sjóðsins á hverju ári. Stjórnvöld hafa því, þar til nú, ýtt stigvaxandi vanda á undan sér.

B-deildin, þar sem engir nýir lífeyrisþegar bætast við, þarf um 17 milljarða króna til að standa við skuldbindingar sínar. Ef ekkert verður gert varðandi inngreiðslur í þann sjóð verður hann tómur eftir um áratug og mun ekki geta staðið við framtíðarskuldbindingar sínar.

Neikvæður hagvöxtur á evrusvæðinu á 2. ársfjórðungi en jákvæðar fréttir inn á milli í nýjum hagtolum:

Skuldakreppan skekur evrulöndin

Hagkerfi evrusvæðisins dróst saman um 0,2% á öðrum ársfjórðungi þessa árs miðað við þann fyrsta. Örlítið meiri kraftur var í þýska og franska hagkerfinu en búist hafði verið við en landsframleiðsla í Grikklandi, Ítalíu, Spáni og Finnlandi dróst nokkuð saman.

Rétt eins og á evrusvæðinu dróst hagkerfi Evrópusambandsins (ESB) saman um 0,2% miðað við ársfjórðunginn á undan. Þátttakendur í evrunni eru sautján af 27 ríkjum ESB. Þetta leiða bráðabirgðatölur Eurostat, hagstofu ESB, í ljós.

Til samanburðar var 0,4% hagvöxtur í Bandaríkjunum á öðrum ársfjórðungi og á sama tímabili var 0,3% hagvöxtur í Japan. Hagstofa Íslands mun í september



SEDLABANKI EVRÓPU Margir binda vonir við að Seðlabanki Evrópu yti undir hagvöxt á evrusvæðinu á næstunni. NORDICPHOTOS/AFP

birta tölur yfir landsframleiðslu á öðrum ársfjórðungi.

Aukin fjárfesting og einkaneysla voru aflvakar hagvaxtarins í Þýskalandi sem mældist 0,3% á öðrum ársfjórðungi en spár höfðu bent til 0,1% vaxtar. Búist hafði verið við samdrætti í Frakklandi á ársfjórðungnum en í reynd stóð stærð hagkerfisins í

stað. Þá var 0,2% hagvöxtur í Hollandi sem var jafnframt nokkru meira en spár höfðu gert ráð fyrir.

Þrátt fyrir meiri þrótt í hagkerfum Þýskalands, Frakklands og Hollands telja sumir hagfræðingar nýju hagtolurnar benda til þess að skuldakreppan í Suður-Evrópu sé að læsa klónum í sum ríkja Norður-Evrópu. Til marks um það skráttur 6,2% á ársgrundvelli á öðrum ársfjórðungi. Þá var neikvæður hagvöxtur á Ítalíu og á Spáni upp á 2,5% og 1,0% á ársgrundvelli í hvoru landinu fyrir sig.

Niðursveiflan í Grikklandi sýnir enn ekki merki þess að vera að ganga niður en þar í landi mældist samdráttur 6,2% á ársgrundvelli á öðrum ársfjórðungi. Þá var neikvæður hagvöxtur á Ítalíu og á Spáni upp á 2,5% og 1,0% á ársgrundvelli í hvoru landinu fyrir sig. - mþl



JARÐHITAKLASI Duch var staddur hér á landi í byrjun ágústmánaðar vegna samstarfs við ráðgjafafyrirtækið Gekon, sem unnið hefur að kortlagningu á jarðhitaklasanum hér á landi, og hvernig megi efla hann og styrkja. Hér sést hann ásamt Þorsteini Sigfússyni, prófessor við Háskóla Íslands, og Herði Arnarsyni, forstjóra Landsvirkjunar.

FRÉTTABLAÐIÐ/ÚR SAFNI

Hagvöxturinn er ekki aðalatriðið

Hagvöxtur sem byggir á ofhitnun er ómarktæk mælistika á velgengni hagkerfa og getur verið beinlínis hættulegur. Þekking úr fjármálageiranum er verðmæt og það skiptir máli að hagkerfi séu móttækileg fyrir henni.

VIÐTAL

Magnús Halldórsson | magnush@365.is

„Ég hef áhuga á Íslandi, vegna þess að ég tel að umheimurinn geti lært margt af því sem hér er gert,“ segir Spánverjinn Emiliano Duch, sem er einn virtasti fræðimaður heims á sviði samkeppnishæfni. Hann var staddur hér á landi í byrjun mánaðarins vegna samstarfs við ráðgjafafyrirtækið Gekon, sem unnið hefur að kortlagningu á jarðhitaklasanum hér á landi, og því hvernig megi efla hann og styrkja.

Mikil og augljós tækifæri

Duch er stofnandi og framkvæmdastjóri ráðgjafafyrirtækisins Competitiveness.com, sem sinnt hefur ráðgjafarstörfum fyrir fyrirtæki og hið opinbera frá árinu 1992. Duch hefur einnig unnið að verkefnum fyrir Alþjóðabankann í Washington. Duch vinnur að kortlagningu á því sem hér hefur verið gert á sviði jarðhitaklasans en hann segist fullviss um að starfsemi sem tengist endurnýjanlegum orkugjöfum muni vaxa hratt á næstu árum. „Þið [Íslendingar] eruð ekki að veðja á eitthvað sem er óáreiðanlegt eða óöruggt þegar þið eruð að veðja á það að styrkja þekkingu ykkar á sviði jarðhitánýtingar enn frekar með það að markmiði að auka hagsæld þjóðarinnar. Ísland er í sér-flokki á alþjóðavettvangi þegar kemur að nýtingu endurnýjanlegra orkugjafa, og hér er mikil og verðmæt þekking, og eftirspurn eftir henni á eftir að vaxa hratt á næstu árum. Það er líka

umhugsunarefni fyrir Íslendinga að nú er kreppa um allan heim og aðrar þjóðir hafa ekki allar vopn í hendi til þess að komast út úr erfiðum aðstæðum. Ísland hefur tækifæri og við viljum kynna okkur vel hvernig staðið hefur verið að málum hér á þessu sviði, og ekki síst þá sýn, sem unnið er eftir á ýmsum sviðum atvinnulífsins, um hvert er stefnt og á hvaða forsendum.“

Ekkert til þess að skammast sín fyrir

Duch segir að eitt af því sem sé áhyggjuefni fyrir þjóðir sem nú gangi í gegnum erfiðleika í efnahagslífinu sé vantraust á vel menntuðu og hæfu fólki. „Sumt fólk skammast sín fyrir að hafa unnið í fjármálageiranum á Wall Street, jafnvel þótt það hafi ekki verið spillt eða gert nokkuð rangt. Jafnvel framúrskarandi stærðfræðingar, sem unnu sem sérfræðingar á sviði fjármála, sitja nú uppi með verðlausa þekkingu að mati margra. Þetta er rangt og áhyggjuefni, því þekkingin er verðmæt og það skiptir máli að umhverfið sem hagkerfin eru í sé móttækilegt fyrir mikilli og sérstakri þekkingu.“

Duch segir að klasastefna (e. cluster policy), t.d. á sviði jarðhita hér á landi, sé langtíma-verkefni í eðli sínu og afraksturinn af þeirri vinnu sem sé unnin nú verði ekki öllum sýnilegur fyrr en eftir tíu ár. En þá geti líka verið kominn jarðvegur fyrir mikla verðmætasköpun sem sé sjálfbær til framtíðar. „Ef við horfum til minnar þjóðar, Spánar, þá var vandamálið fyrir nokkrum árum, á „bóluárunum“,

ekki síst það að alltof mikið var horft til hagvaxtar. Stjórnsmála-menn sögðu: Sjáið, hagvöxturinn er góður og allir hafa nóg að gera,“ segir Duch. Hann nefnir sérstaklega að ofhitnunin á tilteknum sviðum, t.d. á sviði uppbyggingar í veitingageiranum og fasteignageiranum, hafi verið keyrð áfram með láglaunastörfum þar sem fólk frá Suður-Ameríku kom og fékk vinnu. „Hagvöxtur sem byggist á svona hlutum er ekki bara ómarktækur sem mælistika á velgengni hagkerfa, heldur beinlínis hættulegur.“

Varanlegar stoðir

Duch segir kreppuna víða um lönd, ekki síst í Evrópu, vera áminningu um hvað geti gerst ef stefna þjóðríkja er ekki nægilega vel hugsuð. „Það verður að skoða nákvæmlega, með réttum aðferðum, hvar tækifæri til sóknar liggja, og hvernig hægt er að skapa verðmæti þannig að það gerist ekki tímabundið, heldur varanlega. Það er það sem mestu skiptir, það er að stoðir hagkerfa séu traustar og séu sífellt að verða sterkari.“

Þetta er hægt, en getur verið erfitt, sérstaklega ef ávallt er horft á hagvöxt sem mælistiku á árangur. Ég tel að það sé rangt. Frekar á að horfa á hvernig hagkerfið er, hvernig það virkar og hvar megi gera betur. Nánast hver einasta þjóð í heiminum hefur sína „sprungnu“ bólu í fartaskinu.

Á þessu þurfa þjóðirnar að læra, með því að horfa til langs tíma frekar en skamms tíma. En það krefst þolinmæði og mikillar vinnu, þar sem afraksturinn kemur ekki fram fyrr en eftir mörg ár.“

MEÐ HUGANN VIÐ SAMKEPPNISHÆFNI

EMILIANO DUCH hefur nær allan sinn starfsferil unnið við samkeppnishæfni, og meðal annars unnið náið með bandaríska prófessornum Michael Porter, sem almennt er álitinn vera virtasti fræðimaður heimsins á sviði samkeppnishæfni. Duch er stofnandi og eigandi fyrirtækisins Competitiveness, sem veitir ráðgjöf um hvernig megi styrkja samkeppnishæfni þjóða eða einstakra landsvæða með svonefndri klasastefnu. Hún miðar að því að kortleggja ákveðna geira, bein og óbein áhrif þeirra á atvinnulíf og hið opinbera og hvernig megi efla þá og styrkja með aukna hagsæld að markmiði. Hann hefur meðal annars veitt ríkisstjórnnum Danmerkur, Noregs og Þýskalands ráðgjöf. Duch er með bæði MPA- og MBA-próf frá Harvard-háskóla og arkitekt að mennt frá Catalonia Polytechnic University í Barcelona.

Oliuverð skiptir miklu máli

Margt hefur verið sagt um tækifæri Íslands á sviði endurnýjanlegrar orku vegna okkar sérstöðu á því sviði. Nýtum við þau tækifæri sem við höfum rétt? Hvernig getum við nýtt þau betur til framtíðar lítið?

„Tæknin hér á landi hefur verið fyrir hendi árum saman og það sama gildir um þekkinguna, og orkuna vitaskuld. Það sem miklu skiptir er verðþróun á olíumörkuðum, þ.e. því dýrari sem olían er á mörkuðum því hraðari verða skiptin yfir í endurnýjanlega orkugjafa á alþjóðamörkuðum.“

Danmörk til dæmis er með hátt hlutfall endurnýjanlegrar orku af heildarnotkun, en það ræðst af pólitískri stefnumörkun frekar en viðskiptalegum ástæðum. Með tímanum mun skattalegt umhverfi ýta undir frekari notkun á endurnýjanlegum orkugjöfum, og það er þegar farið að gera það að einhverju leyti. Það er mikilvægt fyrir Íslendinga að átta sig betur á því hverjir styrkleikar landsins eru vegna þessarar miklu

og sérstöku reynslu sem þið hafið af endurnýjanlegri orku. Þeir geta komið á óvart, þegar búið er að kortleggja þá vel, og þá koma líka veikleikarnir í ljós, sem hægt er að vinna í að bæta. En Íslendingar búa yfir mikilli þekkingu á þessu sviði sem á eftir að verða verðmætari í framtíðinni og tækifæri til þess að selja hana eiga eftir að verða fleiri.“

Duch segist hafa átt ánægjuleg samtöl við ýmsa í íslensku atvinnulífi um stöðu mála hér á landi nú. Hann segir marga kvarta yfir því að það vanti framtíðarsýn. „Vandamálið með fortíðina er að hún er liðin og það er ekki hægt að breyta henni, hvort sem fólk líkar það betur eða verr. Þess vegna skiptir miklu máli, sérstaklega fyrir komandi kynslóðir, að horfa fram á við og skipuleggja vinnu sem miðar að því að nýta tækifærin vel, með þeim hætti. Það hefur ekkert upp á sig að reyna að breyta atburðarás sem þegar er liðin, en það skiptir hins vegar máli að draga lærdóm af henni.“

UEFA reynir að jafna leikinn

UEFA hefur samþykkt reglur um fjármál knattspyrnuliða sem eiga að jafna samkeppnisgrundvöll og koma í veg fyrir of mikla skuldaföfnun. Markaðurinn skoðaði fjármálalegar háttvísireglur UEFA sem taka brátt gildi.

KNATTSPYRNA

Magnús Þ. Lúðvíksson | magnusl@frettabladid.is

Margur knattspyrnuá hugamaðurinn hefur bölvað ægivaldi peninganna í evrópskum fótbolta síðustu mánuðina í kjölfar sigra Manchester City í ensku úrvalsdeildinni og Chelsea í Meistaradeild Evrópu að ógleymdum uppgangi franska liðsins Paris Saint-Germain. Eins og kunnugt er hafa liðin notið góðs af gríðarlegu ríkidæmi eigenda sinna á síðustu árum og getað yfirboðið flest önnur lið í samkeppninni um leikmenn.

Binda margir vonir við að nýjar reglur um fjármál knattspyrnufélaga sem Evrópska knattspyrnusambandið (UEFA) er að innleiða jafni samkeppnisgrundvöll liða og komi í veg fyrir að lið steypi sér í skuldafen í leit að árangri. Markaðurinn skoðaði hvernig reglurnar virka og hvaða áhrif þær eru líklegar til að hafa á evrópsku knattspyrnuna.

EYÐI JAFN MIKLU OG PAU PÉNA

Á fundi í september 2009 samþykkti framkvæmdastjórn UEFA drög að reglum sem nefnast Financial Fair Play, fjármálalegar háttvísireglur. Markmiðið með reglunum er meðal annars að letja félög í því að eyða um efni fram í leit að árangri og hvetja heldur til fjárfestingar í unglingsliðum og innviðum félaganna. Þá eiga þær að draga úr verðbólgu sem orðið hefur á launum knattspyrnumanna og þeim peningum sem

þarf jafnan til leikmannakaupa.

Til að ná þessum markmiðum kveða reglurnar á um að knattspyrnufélög megi á hverju þriggja ára tímabili ekki eyða meiri peningum en þau þéna. Á þessu er þó sú undantekning að fjárfestingar í knattspyrnuvöllum og unglingsstarfi teljast ekki til útgjalda í reikningum UEFA.

Á hverju einstöku tímabili mega félögin tapa í mesta lagi 45 milljónum evra, jafngildi 6,64 milljarða íslenskra króna, en til stendur að lækka þá upphæð stigbundið. Þá verður þess krafist að félög greiði skuldir sínar á tilsettum tíma og félög í áhættuhópi munu þar að auki þurfa að búa til áætlanir um hvernig bæta eigi úr fjárhagsstöðu þeirra.

Brjóti félög reglurnar verður þeim ekki gefið keppnisleyfi í evrópskum keppnum UEFA (Meistarara- og Evrópu deildinni) en auk þess verður hægt að beita félögin fjársektum og ýmsum öðrum refsingum. Reglurnar verða að fullu virkar tímabilið 2013 til 2014 en aðlögunartímabil hófst á síðasta tímabili sem mun telja þegar staða liða verður í fyrsta sinn metin í lok tímabilsins 2014.

SUMIR EFINS UM REGLURNAR

Þrátt fyrir fögur fyrirheit efast margir um að reglurnar muni koma til með að hafa tilætluð áhrif. Er þá iðulega bent á risasamning sem Manchester City gerði við flugfélagið Etihad sem hefur talsverð tengsl við eiganda knattspyrnuliðsins. Telja gagnrýnendur

að ríkir eigendur knattspyrnuliða muni gera sýndarsamninga við liðin í gegnum tengd félög en þar með blási tekjur liðanna út og fyrir vikið möguleikar á útgjöldum.

UEFA gerir að vísu ráð fyrir þessum möguleika í reglunum. Hefur sambandið sett á fót nefnd sem fara á yfir samninga knattspyrnufélaga við tengd félög. Mun nefndin setja svokallað gangvirði (e. fair value) á slíka samninga og séu samningarnir hagstæðari fyrir knattspyrnufélögin en sem nemur gangvirðinu mun mismunurinn teljast til útgjalda í reikningum UEFA.

Eins og gengur og gerist getur hins vegar verið erfitt að meta nákvæmlega hvert er réttlátt verð fyrir flókna auglýsinga- og samstarfssamninga og telja margir að knattspyrnuliðunum verði yfirleitt leyft að njóta vafans. Þá telja margir sömuleiðis ólíklegt að UEFA muni beita sér af hörku gegn stærstu félögum Evrópu jafnvel þó þau gerist brotleg við reglurnar. Spyrja menn til dæmis hvort UEFA hafi það í sér að gera heimsfrægt lið á borð við Chelsea brottrækt úr Meistaradeildinni en slík ákvörðun gæti dregið úr sjónvarpsáhorfi og sett af stað miklar illdeilur í knattspyrnuheiminum. Leiða má að því líkur að UEFA vilji forðast hvort tveggja.

Það er því að mörgu leyti enn óljóst hvort fjármálalegar háttvísireglur UEFA muni skila tilætluðum árangri en flestir innan fótboltaheimsins í Evrópu telja tilraunina þó klárlega þess virði.



MANCHESTER CITY Enska meistaramir hafa verið allra liða duglegastir við dýr leikmannakaup síðustu ár í krafti gríðarlegra auðæfa eiganda síns, Sheik Mansour frá Sameinuðu arabísku furstadæmunum. NORDICPHOTOS/GETTY

Gengi bréfa Pandoru styrktist eftir uppgjör

Pandora hagnaðist á öðrum ársfjórðungi en velta dróst saman. Virði Pandoru þarf að margfaldast til að gagnast Seðlabankanum.

EFNAHAGSMÁL

Þóroddur Snær Júlíusson | thordur@frettabladid.is

Gengi hlutabréfa í danska skartgripaframleiðandanum Pandoru hefur hækkað skarpt á undanförunum dögum. Gengi bréfanna er nú í kringum 80 danskar krónur á hlut. Hækkunin kemur í kjölfar þess að Pandora birti uppgjör sitt fyrir annan ársfjórðung en það sýndi hagnað upp á um 1,2 milljarða króna. Tekjur Pandoru drögust hins vegar saman um 9,5 prósent á fjórðungnum. Mestur var samdrátturinn í Evrópu.

HEFUR BEIN ÁHRIF Á SELJENDALÁN

Virði hlutabréfa í Pandoru hefur bein áhrif á virði seljendaláns sem Seðlabanki Íslands veitti nýjum eigendum hins danska FIH banka haustið 2010, enda á Axcel III, sjóður í eigu FIH bankans, 57,4 prósent í Pandoru. Eignarhluturinn er langstærsta eign sjóðsins. Virði Axcel III sjóðsins lækkaði úr 20,6 milljörðum króna í 4,2 milljarða króna í fyrra. Til að lánið skili Seðlabankanum einhverju til baka þarf hagnaður vegna Axcel III að vera á bilinu 13,9 til 29,4 milljarðar króna.

Þegar Pandora var skráð á markaði í október 2010 var skráningargengi bréfanna 210 danskar krónur á hlut. Bréfin fóru hæst í 386 danskar krónur á hlut en hrundu síðan sumarið 2011 eftir að tilkynnt var um að áætlan-



SEÐLABANKINN Bankinn lánaði kaupendum FIH bankans fyrir stórum hluta af kaupverðinu. Það seljendalán er að öllum líkindum tapað. FRÉTTABLAÐIÐ/PJETUR

ir um gríðarlega tekjuaukningu, sem skráningargengi félagsins byggði á, myndu alls ekki standast. Þess í stað drögust tekjur saman. Heildarvirði eignarhlutarins í Pandoru er í dag um sex milljarðar króna.

Seðlabankinn eignaðist danska bankann FIH eftir að hafa tekið hann sem veð fyrir rúmlega 80 milljarða króna láni til Kaupþings í miðju bankahrúninu. FIH var síðan seldur haustið 2010 og fékk Seðlabankinn um 40 milljarða króna staðgreidda fyrir. Í tilkynningu frá bankanum á þeim tíma var sagt að heildarsöluverði væri 103 milljarðar króna en af þeirri upphæð yrðu 64 milljarðar króna til greiðslu síðar. Frá þeirri upphæð átti að dragast tap FIH fram til loka árs 2014. Auk þess er greiðsla lánsins tengd mögulegum hagnaði FIH af Axcel III sjóðnum og afkomu þeirra fjár-

fasta sem keyptu bankann fram til loka árs 2015.

MIKLAR AFSKRIFTIR HJÁ FIH

FIH hefur afskrifað tæplega 50 milljarða króna frá því að samningurinn var gerður, um 70 prósent af seljendaláninu. Bankinn mun birta hálfársuppgjör sitt á morgun og þá kemur í ljós hvort meira muni bætast við þá tölu. Vegna vandræða FIH mun afkoma fjárfestahópsins af þeirri fjárfestingu ekki verða til þess að auka virði seljendalánsins og gengi bréfa í Pandoru þarf að margfaldast til að þau leiði til hækkunar á því.

Eins og stendur stefnir því í tugmilljarða króna tap Seðlabankans vegna veitingar lánsins. Bankastjóri FIH bankans, Bjarne Graven Larsen, lét enda hafa eftir sér í dönskum fjölmiðlum í júní síðastliðnum að seljendalánið væri tapað.



FJÖLGUN Alls fjölgaði erlendur ferðamönnum sem fóru frá Íslandi í gegnum Leifsstöð um 17,2 prósent á fyrstu sjö mánuðum ársins. FRÉTTABLAÐIÐ/PJETUR

Stefnir í enn eitt metárið í ferðapjónustu:

Útlendingar aldrei eytt meira á Íslandi

Erlendir ferðamenn hafa aldrei eytt fleiri krónum á Íslandi og í júlí síðastliðnum. Erlend kortavelta hérlendis var þá um 13,1 milljarður króna og jókst um 15,3 prósent frá sama mánuði í fyrra. Á sama tíma eyddu Íslendingar 5,2 milljörðum króna á kortum sínum í útlöndum, sem er 10,1 prósent meira en árið 2011. Þetta kemur fram hjá Greiningu Íslandsbanka sem byggir á tölum Seðlabanka Íslands um kortaveltu.

Erlend kortavelta hérlendis er 43 milljarðar króna það sem af er ári. Hún hefur aukist um 11,6 prósent frá sama tímabili í fyrra. Á sama tíma hafa íslenskir ferðamenn eytt 32 milljörðum króna með kortum sínum í útlöndum.

Það stefnir í enn eitt metárið hjá íslenskri ferðapjónustu. Alls fóru 112.100 erlendir gestir frá landinu um Leifsstöð í júlí, sem er 14,7 prósentum fleiri en í sama mánuði í fyrra.

Brottfarir erlendra ferðamanna eru nú komnar upp í 357 þúsund á fyrstu sjö mánuðum ársins, en þær voru 304.600 á sama tímabili í fyrra. Jafngildir þetta aukningu upp á 17,2 prósent milli ára. Þetta kemur fram í tölum Ferðamálastofu Íslands sem birtar voru í síðustu viku.

- þsj

- þsj



MP banki eflir atvinnulífið

MP banki er eini sjálfstæði og óháði einkabankinn og því í kjörstöðu til að veita úrvals þjónustu fyrir íslenskt atvinnulíf, athafnafólk, fjárfesta og sparfjáreigendur.

Stefna okkar er skýr:

Við erum banki atvinnulífsins.

- Við erum sérfræðingar í bankaviðskiptum fyrir lítil og meðalstór fyrirtæki og veitum þeim allhliða þjónustu sem og einstaklingunum sem að þeim standa.
- Við erum leiðandi fjárfestingarbanki í fyrirtækjaráðgjöf, markaðsviðskiptum og fjármögnun í gegnum verðbréfamarkað.
- Við erum þekkt fyrir afbrigðis árangur í eignastýringu á innlendum sem erlendum mörkuðum – jafnt við góðar sem erfiðar markaðsaðstæður.

Við vinnum náið með viðskiptavinum okkar og metum árangur okkar í vexti þeirra og velgengni.

Verið velkomin í banka atvinnulífsins.

mpbanki
banki atvinnulífsins

BANKAHOLFID



Porgils Jónsson

Almannafé í almannabágu

Það er alltaf mikil kúnt að forgangsraða í ríkisútgjöldum og verkefni sem mörgum finnst verðug ríkisframlaga þykja öðrum bruðl.

Meðal umdeildustu mála eru jafnan samgönguframkvæmdir, en það er yfirleitt tekist á um skiptingu fjárveitinga milli landsvæða. Hver vill fá „sitt“, enda allir sannfærðir um að „þeirra“ verkefni sé mikilvægara en önnur. Hér er því einn allra grösugasti garður kjördæmapotara. Samt má ekki misskilja mig, því að mér finnst nær hverri krónu sem varið er til uppbyggingar á innviðum landsins vera vel varið. Sumum krónum er bara betur varið en öðrum.

Úrbætur í betri tíð?

Í kreppunni sem nú er nýlukið (var það ekki?) hefur Vegagerðinni verið sniðinn þröngur stakkur svo til vandræða heyrir. Hreinn Haraldsson vegamálastjóri sagði í samtali við Fréttablaðið á dögunum að viðhaldið á þjóðvegakerfið hefði farið niður fyrir lágmarkskröfur síðustu ár vegna fjárskorts. Það gæti haft í för með sér niðurbrot vega og aukna hættu á umferðarslysum. Nú þegar tekið er að rofa til í ríkisfjármálum verður samgöngubótum að vera gert hærra undir höfði við fjárlagagerð. Mannslíf liggja við.

Öryggi í forgang

Forgangsröðun framkvæmda verður alltaf að miðast við öryggi vegfarenda. Tímasparnaður er góðra gjalda verður en öruggir vegir um allt land ættu að vera markmiðið. Ég hef sjálfur reynslu af akstri um Vestfirði þar sem mikið og gott átak hefur verið unnið í vegabótum í Ísafjarðardjúpi og þaðan suður í gegnum Dalasýslu, en á suðurfjörðunum er ástandið víða skelfilegt þar sem svo virðist til dæmis sem stjórnmöldum hafi um árabíl hvorki þótt taka því að hafa mannsæmandi vegi norður úr Arnarfirði, né að ryðja þar leið á veturna.

Þjóðbraut okkar allra

Stærsta brotalömin að mínu mati er hins vegar Vesturlandsvegur frá Mosfellsbæ upp að Hvalfjarðargöngum þar sem þúsundir bíla fara um á annríkisdögum. Óumflýjanlegar tafir leiða óumflýjanlega til óvarkárni og stundum til óhappa. Svarið er að sjálfsögðu að tvöfalda veginn upp í Hvalfjörð sem allra fyrst. Reynslan af tvöföldun Reykjanesbrautar sýnir fram á ágæti þessa fyrirkomulags. Þar hefur ekkert banaslys orðið frá árinu 2004.

Þá er full ástæða til að breikka og bæta hringveginn allt norður á Akureyri með tvöföldun hluta leiðar hið minnsta. Raunar er skrítið að sveitarstjórnarfolk nýrðra skuli ekki hafa lagt meiri áherslu á umbætur á þeirri fjölförnu leið frekar en að leggja ofuráherslu á Vaðlaheiðargöng. Þegar allt kemur til alls er um að ræða þjóðbraut okkar allra og til þess ætti Alþingi að líta við gerð fjárlaga í haust.

MYNDIN SEM HEFUR SLEGIÐ ÖLL MET

VINSÆLASTA MYND ALLRA TÍMA Á ÍSLANDI, AF ÞEIM SEM ERU HVORKI Á ENSKU NÉ ÍSLENSKU

★★★★★
„Bætir, hressir og kætir.“
- Haukur Viðar Alfreðsson, Fréttablaðið

★★★★★
„Heillandi leikur og falleg saga.“
- Helgi Snær Sigurðsson, Morgunblaðið

BYGGÐ Á SANNRI SÖGU

François Cluzet Omar Sy

Intouchables

SÝND Í HÁSKÓLABÍÓI, LAUGARÁSBÍÓI OG BORGARBÍÓI AKUREYRI

Vertu vinur okkar og þú gætir unnið miða!

[Facebook.com/graenaljosid](https://www.facebook.com/graenaljosid) [Twitter.com/graenaljosid](https://www.twitter.com/graenaljosid)

50

PÚSUND
GESTIR!

Fjölnota **LITA** prentari með netkorti

LITAPRENTARI, SKANNER og FAX
Prenthraði: 16 bl./min. svörtu og 4 bl./lit
Upplausn: 2400x600dpi

SKANNI OG LJÓSRITUN:
Upplausn: 1200x1200dpi
(max. 4800x4800dpi)
FAX: Minni 2MB, 160 síður
Skannar skjöl og vistar beint á minnskubba í JPEG eða PDF sniði.

Pappírshakki inn/út: 130/80 blöð
Minni: 256 MB
Stuðningur: Windows, Mac OS, Linux, Pct5, Pct6
Tenging: 100Mbps LAN, USB 2.0

Tilboðsverð: 69.900 kr.

Fjölnota prentari með netkorti

PRENTARI, SKANNER og FAX
Prenthraði: 24 bl./min.
Fyrsta blaðsíða: 10 sek.
Upplausn: 1200x1200dpi

SKANNI OG LJÓSRITUN:
Upplausn: 1200x1200dpi (max. 4800x4800dpi)
FAX: Leshraði: um 3 sek. pr. síðu

Pappírshakki inn/út: 250/150 blöð
Minni: 128 MB
Stuðningur: Windows, Mac OS, Linux
Tenging: USB 2.0, Ethernet

Tilboðsverð: 59.900 kr.

Fjölnota prentari með netkorti

LITA-laserprentari með netkorti

PRENTARI
Prenthraði: 24 bl./min. í svartvíttu, 24 bl./min. í lit
Fyrsta blaðsíða út: 20 sek.
Upplausn: 9600x600dpi
Minni: 256MB
Pappírshakki inn: 250+100 blöð
Pappírshakki út: 200 blöð
Hljódmagn: < 52dB
Stuðningur: Windows, Mac OS, Linux
Tenging: USB 2.0, Ethernet 10/100 Base TX

Tilboðsverð: 45.900 kr.

SAMSUNG

HÁGÆÐA
VINNUDÝR
á
UNDRAGÓÐU
VERÐI!

ORMSSON

Umboðsmenn um land allt · Sjá nánar á www.ormsson.is LÁGMÚLA 8 · SÍMI 530 2800